

**MAHINUNGDANONG MGA PAMAHAYAG
ALANG SA 2022 MEMORIAL DAY CONFERENCE**

**Ang pagkaon sa kahoy sa kinabuhi, sa ato pa,
ang pagpahimulos kang Cristo nga atong sangkap sa kinabuhi,
mao gyod untay unang butang diha sa iglesiahanong kinabuhi.**

**Ang duha ka kahoy sa Genesis 2:9—
ang kahoy sa kinabuhi ug ang kahoy sa kahibalo sa maayo ug daotan—
nagrepresentar sa duha ka prinsipyo sa pagkinabuhi—
sa prinsipyo sa kinabuhi ug sa prinsipyo sa husto ug sayop.**

**Ang pahiuli sa Ginoo pagpahiuli man
sa paghigugma nato ni Ginoong Jesus sa unang gugma,
sa labing maayong gugma,
ug sa pagkaon nato ni Ginoong Jesus nga kahoy sa kinabuhi
aron matukod ang organicong Lawas ni Cristo,
nga mao ang pagtukod sa Bag-ong Jerusalem
nga tumong sa walay kataposang pamatigayon sa Dios.**

**Isip hulad ni Cristo nga kahoy sa kinabuhi,
kita, nga mga magtutuo ni Cristo ug mga anak sa Dios,
dili lang nga naa tay kinabuhing walay kataposan ug makasinati niini,
kondili ikapangalagad sab nato kining kinabuhia
ngadto sa ubang bahin sa Lawas ni Cristo.**

**PASIUNA:
MAGBATASAN SA PAGPAHIMULOS NI CRISTO NGA KAHUY SA KINABUHI**

Mahinungdanong Pakig-ambit ni Brother Lee

“Ang kahoy sa kinabuhi naghulagway ni Cristo nga nagpaambit og kinabuhi sa tawo ug naglipay ug nagtagbaw niya”—*Pagtuon-sa-kinabuhi sa Genesis*, p. 141

“Ang bugtong gikinahanglan nato mao ang magpahimulos sa Ginoo nga kahoy sa kinabuhi”—*Ang Kahoy sa Kinabuhi*, p. 23

“Sa Mayo sa 1943...grabe gyod kong nagsakit og tisis...Nakita nako ang kahoy sa kinabuhi panahon sa duha ug tunga ka tuig sa akong balatian. Niadtong duha ug tunga ka tuig nakita nako nga sa pahiuli sa Ginoo ug sa Iyang buhat kulang tag kinabuhi. Tanang matang sa problema, bisan unsa pa kini, resulta man sa kakulang og kinabuhi. Sa pagkakita nako niini, nagbasol gyod ko sa hilabihan, nisugid ko pag-ayo ug bug-os nga naghinulsol atubangan sa Ginoo, ug daghan sab kog pakigsultianay sa Iyang atubangan...Nakaluwas sa daghang balaan ug nagpahigawas sab sa daghang igsoon sa Nanking ang mga mensahe sa kahoy sa kinabuhi. Tungod sa upat ka tuig nga kagubot sa iglesia sa Shanghai, nangaluya ug naguol ang mga balaan sa daghang tuig ug wala nay mahimo. Gihubaran ning mga mensahea ang ilang espiritu ug gihayagan ang ilang kasingkasing...Nagpasalamat ko sa Ginoo nga pinaagi sa mga mensahea sa kahoy sa kinabuhi, na-ayo ang iglesia sa Shanghai...Nagpahamutang og patukoranan alang sa pagkadasig pag-usab sa iglesia sa Shanghai ang mga mensahe kalabot sa kahoy sa kinabuhi”—*The History and Revelation of the Lord's Recovery*, vol. 1, pp. 130, 133, 135, 138.

“Ang pagkaon sa kahoy sa kinabuhi, sa ato pa, ang pagpahimulos kang Cristo nga atong sangkap sa kinabuhi, mao gyod untay unang butang diha sa iglesiahanong kinabuhi”—Bug. 2:7, nota 6, para. 4.

“Ang daotang kahimtang sa mga daotan mao nga dili sila moduol sa Ginoo aron mokaon ug magpahimulos Niya...Nagbuhat silag daghang butang, apan dili sila moduol aron mokontak sa Ginoo, modawat Niya, motilaw Niya, ug mopahimulos Niya. Sa panan-aw sa Dios, walay labaw kadaotan kay niini”—Isa. 57:20, nota 1.

Ang tuyo sa Dios alang sa tawo paghatag man sa Iyang Kaugalingon sa tawo ingon nga kahoy sa kinabuhi aron mapahimuslan niya. “Ang pagkakita nga gusto ang Dios nga magpahimulos ta Niya ug nga dili Siya gustong mobuhat tag bisan unsa alang Niya pagkakita man nga ang Cristohanong kinabuhi kalabot diay sa pagpahimulos...Kon mausab ang atong pangagpas aron makita nato kining duha ka punto, sayon na para nato ang magkinabuhi sa kinabuhing nagpahimulos sa Dios”—*The Vision of the Tree of Life and the Tree of the Knowledge of Good and Evil*, p. 60.

“Kon buot tang magbatasan sa pagpahimulos sa Dios, usbon gyod ang atong pangagpas...Kon buot tang makasulod sa realidad sa pagpahimulos sa Dios, kinahanglan makita nato ang nagkontrol nga panan-awon...Sa nag-edad na kog kwarantanyos gipadayag sa Ginoo kanako ang paagi sa pagpahimulos Kaniya. Nahigawad ko nga sa baynte ka tuig nausik ang kalab-anan sa akong panahon ug kusog. Walay bili ang kalab-anan sa akong mga pag-ampo, ug walay bili sab ang panahon nga gigugol nako sa pagbasa sa Biblia ug sa ubang espirituhanong basahon. Ning panahona nako naamgoan nga sayop diay ang paagi sa atong pagbuhat ug sayop sab ang paagi sa espirituhanong pagpursigir nato...Kay nag-antos man kog dakong kapildiyan tungod sa sayop nga gibatasan nako, dili ko gustong sublion sa uban kining sayopa. Naglaom ko nga magbatasan sa pagpahimulos sa Dios ang uban. Nangamuyo ko sa mga balaan nga dili na magbatasan sa sayop nga paagi. Pamalandongon gyod nato ang paagi nato sa pagpursigir kanhi. Usbon gyod dayon nato ang atong pangagpas. Nagkinahanglan tag nagkontrol nga panan-awon”—*The Vision of the Tree of Life and the Tree of the Knowledge of Good and Evil*, p. 51.

**Talamdan sa Mga Mensahe
alang sa Memorial Day Conference
Mayo 27-30, 2022**

**LINANGKOB NGA HISGOTANAN:
MAGBATASAN SA PAGPAHIMULOS NI CRISTO
NGA KAHUY SA KINABUHI**

Mensahe 1

**Magbatasan sa Pagpahimulos ni Cristo nga Kahoy sa Kinabuhi
aron Mahuman ang Walay Kataposang Pamatigayon sa Dios**

Basahong Kasulatan: Gen. 2:7-9; Bug. 2:7; 22:14; Juan 1:4; 14:6a; 10:10b; 6:35, 57, 63

- I. Makita nato sa Genesis 2 ang duha ka kapilian sa tawo—ang kahoy sa kinabuhi ug ang kahoy sa kahibalo sa maayo ug daotan—vv. 7-9:**
- A. Nagpakita ang duha ka kahoy nga ning unibersoha dunay duha ka kabubut-on, duha ka tinubdan, ug duha ka posibilidad nga mapili sa tawo gamit ang gawas-nong pagbuot niya—itandi sa Deut. 30:19-20.
 - B. Nagtimaan ang kahoy sa kinabuhi ni Cristo, nga pagkalawas sa Tulo-usang Dios, nga kinabuhi sa tawo ingog kalan-on aron mapahimuslan Siya sa tawo ug maumol kini Kaniya aron mahimaya Siya, hiniusang mapadayag, ug sa ingon niana matuman ang tuyo sa Dios sa sinugdan segun sa walay kataposang pamatigayon Niya—Gen. 1:26; Isa. 43:7; Gen. 2:9; Bug. 2:7; 22:14; Juan 1:4; 14:6a; 10:10b; 6:35, 57, 63; Bug. 21:10-11; itandi sa 4:3:
 - 1. Ang kahoy sa kinabuhi, ang kahoy sa Dios, ang Dios-kahoy, maoy sentro sa uniberso.
 - 2. Nagsugod ang Daang Tugon sa kahoy sa kinabuhi (Gen. 2:9), ug natapos ang Bag-ong Tugon sa kahoy sa kinabuhi (Bug. 22:2, 14); busa, naa sa tibuok diosnong pinadayag ang hunahuna kalabot sa Dios nga kinabuhi sa tawo.
 - 3. Ang pagbutang sa Dios sa tawo atubangan sa kahoy sa kinabuhi nagpakita nga gusto sa Dios nga dawaton Siya niya nga iyang kinabuhi pinaagi sa organicong pagkaon Kaniya ug metabolicong paghilis-sagol Kaniya, aron mahimong inug-umol mismo sa pagkamao sa tawo ang Dios—Juan 6:57, 63; Jer. 15:16; Mat. 4:4.
 - C. Nagtimaan ang kahoy sa kahibalo sa maayo ug daotan ni Satanas nga tinubdan sa kamatayon sa tawo—Heb. 2:14:
 - 1. Nagtimaan sab kini sa tanang butang nga dili Dios, kay bisan unsang dili ang Dios mismo, lakip na ang maayong mga butang ug bisan ngani ang mga butang nga subay sa Kasulatan ug sa relihiyon, magamit man ni Satanas, nga malalangon, sa pagdalag kamatayon sa tawo—Juan 5:39-40; 2 Cor. 3:6b.
 - 2. Wala timan-i sa duha ka kahoy ang maayo ug daotan kondili sa usa ra ka kahoy, sa ikaduhang kahoy; busa, iya ni Satanas ang pagtinguhag maayo nga dili ang Dios mismo.
 - 3. Ang tinuod nga maayo mao ang Dios mismo; busa, ang pagpakabaton sa Dios pareho ra sa pagpakabaton sa tinuod nga maayo—Mat. 19:17a; Mar. 10:17-18; Sal. 16:2.
 - D. Makapasalig sa tawo sa Dios ang kahoy sa kinabuhi (Juan 15:5), apan makapa-

supil sa tawo sa Dios ug dili makapasalig Niya ang kahoy sa kahibalo (itandi sa Gen. 3:5):

1. Nagpasabot og pagsalig ang pagkaon; kanang kalan-on nato ang Dios, nga gitiman-an sa kahoy sa kinabuhi, nagpasabot nga sige gyod tang magsalig sa Dios.
 2. Nagpasabot og pagkinaugalingon ang kahoy sa kahibalo; sa panan-aw sa Dios, ang una ug kinadak-ang sala sa tawo mao ang pagkinaugalingon.
- E. Mosangpot ang duha ka kahoy sa duha ka linya, duha ka paagi—ang paagi sa kinabuhi ug ang paagi sa kamatayon—nga naglatid sa tibuok Biblia ug natapos sa basahon sa Bugna:
1. Nagsugod ang kamatayon sa kahoy sa kahibalo (Gen. 2:17) ug matapos sa linaw nga kalayo (Bug. 20:10, 14).
 2. Nagsugod ang kinabuhi sa kahoy sa kinabuhi ug matapos sa Bag-ong Jerusalem, sa syudad sa tubig sa kinabuhi—22:1-2.

II. Magpabilin gyod ta sa paagi sa kinabuhi, sa linya sa kinabuhi, sa pagmin-tinar sa kinabuhi sa pagpahimulos nato ni Cristo nga kahoy sa kinabuhi alang sa pagtukod sa Dios diha sa kinabuhi sa pagtubo nato sa kinabuhi—Juan 10:10b; Bug. 22:1-2; Efe. 4:16; 2:21-22; Col. 2:19:

- A. Magpabilin ta sa paagi sa kinabuhi sa pagkinabuhi ug pag-alagad nato sumala sa prinsipyo sa kinabuhi, dili sumala sa prinsipyo sa husto ug sayop:
1. Magkinabuhi ug magbuhat gyod ta sumala sa sulodnong pagbati sa kinabuhi nga naa sa atong espiritu, sa paggiya sa kinabuhi, dili sumala sa husto ug sayop—Rom. 8:6; 2 Cor. 2:13.
 2. Ang sukdanan sa Cristohanong pagkinabuhi mao ang presensya ni Cristo nga nagpuyo sa sulod nato; dili kini kalabot sa husto o sayop kondili niuyon ba o wala ang diosnong kinabuhi sa sulod nato sa unsa nga butang—Mat. 17:3, 5, 8; itandi sa Mal. 2:15-16.
- B. Magpabilin ta sa paagi sa kinabuhi sa paghigugma nato sa Ginoong Jesus sa hilabihan gyod, magdani sa uban nga mogukod Niya—Mar. 12:30; A. A. 1:4a:
1. Aron makapahimulos ni Cristo nga kahoy sa kinabuhi, sultian gyod nato Siya sa tanang panahon nga, “Ginoong Jesus, gihigugma Ka nako;” kon mainiton tang nahigugma ni Ginoong Jesus, nagpauna Niya sa tanang butang, mapahimuslan nato ang tanan Niyang pagkamao—Bug. 2:4-5, 7.
 2. Aron makapahimulos ni Cristo nga kahoy sa kinabuhi, isaad gyod nato ang mga tawo nga ipaasawa Kaniya, dad-on sila nga tinuod gyong magtamod, mahigugma, ug magpahimulos sa bililhong persona ni Ginoong Jesus—2 Cor. 11:2-3.
- C. Magpabilin ta sa paagi sa kinabuhi sa pagkaon nato ni Jesus pinaagi sa pag-ampo-basa sa Pulong, pagpamalandong sa pulong, ug pagpangalagad sa pulong ingon nga Espiritu ngadto sa uban sa paggamit nato sa atong espiritu sa pagtuo—Juan 6:57, 63; Jer. 15:16; Sal. 119:15; Mat. 4:4; 24:45; 1 Cor. 2:4-5, 13:
1. Pahimuslan gyod nato Siya diha sa Pulong sayo sa buntag aron duna tay bag-ong pagsugod matag adlaw, ug dawaton gyod nato ang Iyang pulong uban sa daghan ug mabinantayong paghunahuna—Sal. 119:15, 147-148; itandi sa Lev. 11:3.
 2. Ipamulong gyod nato si Cristo sa tanang klaseng tawo adlaw-adlaw sa panahon ba o dili panahon (Buh. 5:42; 8:4; 2 Tim. 4:2) ug desperado gyong maning-kamot nga magbatasan sa pagpamulong sa bisan unsang tigom (1 Cor. 14:26, 4-5, 12, 31).

- D. Magpabilin ta sa paagi sa kinabuhi sa pagpahimulos nato sa Tulo-usang Dios nga balaod sa Espiritu sa kinabuhi ug sa diosnong kahimoan niini—Rom. 8:2; Jer. 32:39:
1. Sa tanaman sa Eden ug sa duha ka kahoy, makita nato ang kinabuhi, maayo, ug daotan; gamayng hulad ta sa tanaman sa Eden nga naay balaod sa Espiritu sa kinabuhi diha sa atong espiritu, balaod sa maayo diha sa natural, nagkinaugalingong hunahuna nato, ug balaod sa daotan diha sa atong unod—Rom. 7:23; 8:2, 16.
 2. “Paandaron” gyod nato ang balaod sa Espiritu sa kinabuhi pinaagi sa paggawi nato sumala sa espiritu ug pagpatumong sa atong salabotan sa espiritu aron ikapaambit ang Tulo-usang Dios nga kinabuhi nganha sa atong pagkatawo nga dunay tulo ka bahin—vv. 2, 4, 6, 10-11.
- E. Magpabilin ta sa paagi sa kinabuhi sa pagkinabuhi nato diha sa pagkabanhaw, sa realidad sa iglesia nga Lawas ni Cristo, nga gitiman-an sa bulawang tangkawan nga kahoy sa kinabuhi sa pagkabanhaw; aron kini maanaa nato ang himaya sa Dios ug mapadayag Siya isip syudad sa kinabuhi, ang Bag-ong Jerusalem—Efe. 1:22-23; Exo. 25:31-40; Bug. 1:11-12; 21:10-11.

III. Ang bugtong-talagsaong paagi nga mahimo tang mga mananaog pagkaon ug pagpahimulos man nato ni Cristo nga kahoy sa kinabuhi aron matransporma ta sa kinabuhi ug mahimong batang-lalaki nga magpasundayag sa kadaogan ni Cristo ug aron mahimo tang pangasaw-onon nga makatagbaw ni Cristo—2:7, 17; 3:20-21; 12:5-12; 19:7-9; 22:2, 14.